

程

氏

墨

苑

程幼博墨苑目錄

第十二卷

緇黃下

墨華

偈一

天寶

頌一

旃檀海

歌一

黃金獅子座

頌一

六根清淨

品十二

五牛圖

辨一

尊勝幢

金光幢輪

天女散花

吟一

僧寶

贊一

掃象圖

贊一 銘二

達磨真性頌

引一

大方

贊一

青牛紫氣

贊一歌一詩一

如來柱

銘一

佛面竹

七佛偈

象岡玄珠

冰盤

三生花

三生果

維摩說法圖

偈一

東林蓮社圖

歌一

第十二卷 緇黃下目錄終

# 日雲華

名菩提即非菩  
提是名菩提  
名曇華即非曇  
華是名曇華  
名墨妙即非墨  
妙是名墨妙


二酉三經消



卷之三

天

地



天寶

聲有八是曰器器則可陳音有五是曰理理則無垠律有十二是曰瀟瀟則有倫聲出音音歸律樂其可考非曰人造法離理理離器樂其至道是曰天寶

程大約



劉然書






# 寶檀像



## 妙香寶輪



六根清淨品

爾時玄居士居大衛城會阿那律陀跋難陀龍  
兢伽神女驕梵鉢鉢提舜若多神摩訶迦葉諸  
尊者與俱已乞食入貧薑谷中見長離雄鳴者  
六雌鳴者六各棲一根而得六根焉于是弥多羅  
尼子在大衆中偏袒右肩右膝著地合掌恭敬而  
白居士言凡夫猥具血肉猥具妙明嘗念此四大六  
受用根疇合疇離疇深疇淺疇交疇引疇為

圓通疇不圓滿今欲逆生死欲流反窮流根至不生滅願垂慈悲指示于一門深入入一无妄彼六知根一時清淨云何而是居士言善哉善哉夫根者何天地有之人亦宜然草木有之人亦宜然由根生道道生見根由根發枝枝條抵根夫人從無始以來倏有四大倏有五蘊見前六根分而成六歸而為一略舉其概叙大因緣

目為見根見豈自用經言彼目睛瞪發勞者無目

與勞同是菩提。瞪發勞相。明暗二塵究竟何體。見明見暗。不自內出。不自外生。從明見暗。暗當隨滅。是非見暗。從暗見明。明當隨滅。是非見明。見有明暗。根無明暗。是故當知。目以見生。有見非目見。無所見。有自然性。

耳為聞根。聞豈耳用。經言。無耳與勞同。是菩提。瞪發勞相。動靜二塵究竟何體。聞動聞靜。不從內出。不自外生。從靜聞動。動即隨滅。應非聞動。

從動聞靜靜即隨滅應無覺靜聞有動靜根  
無動靜是故當知耳以聞生有聞非耳聞無所聞  
有自然性

惟鼻亦然夫人急畜其鼻畜久成勞乃至觸諸  
香臭氣無鼻與勞同是菩提瞪發勞相鼻聞  
通塞亦猶耳聞動靜不從通來不從塞有聞有  
通塞根無通塞有自然性在不關鼻聞不關  
聞鼻

惟舌亦然夫人以舌舐吻熟舐令勞乃至無病有病  
觸諸甜苦味無舌與勞同是菩提瞪發勞相舌  
味甜苦亦猶目見明暗不從甜亡不從苦滅味有  
苦甜根無苦甜有自然性在不關舌味不關味  
舌

今夫人身冷熱相觸偏多者勝無身與勞同是  
菩提瞪發勞相因于離合二種妄塵溷此知覺  
性當知離無所離合無所合違順二相亦復如是

身中之身身外之身有自然性在

今夫人意寤寐相乘覽塵斯憶失憶為忘無意  
與勞同是菩提瞪眚勞相因干生滅一種妄塵  
間此覺知性當知寤寐而寐滅將何如寐生有  
而滅無誰令受滅當知是意非寤寐來非生  
滅有意中之意意外之意有自然性在  
于是弥多羅尼子聞居士言言涉遺經宣揚  
秘義動色頂禮矢願究竟玄居士伸手指祇陀

樹林及諸泉地曰見不曰見見已食辯擊鼓集  
衆撞鐘聲音續々不斷玄居士掉耳曰聞不  
曰聞曰見者為色到眼邊眼到色處聞者為  
聲來耳邊耳往聲處要知見聞聲色俱是  
虛妄見聞聲色往來俱是目緣若自然性更  
復安在

玄居士已屬弥多羅尼子然栴檀爐中室羅筏  
城同時聞氣此香如在栴檀如在鼻邊抑遇酥



酪醍醐名為上味生在于舌生在于食當知香鼻  
與聞俱無處所即嘗與味二俱虛妄若自然性  
更復安在

夫一身相觸、則無成若應二身觸則誰在在  
能非所在所非能夫意中所緣緣而為法法則心  
生離不屬塵心非所緣處從誰立當知即身與  
觸即意與法二俱虛妄若自然性更復安在

于是弥多羅尼子言下有悟發菩提心生大勇猛

稽首而申居士言人人具此六根自無始來作業  
潤生種、煩惱現前眼耳鼻舌及與身心六為賊  
媒自劫家寶不能超越當知此根為一為六一可  
為六六可歸一居士慈悲更煩指示居士熹咲微  
言善哉善哉向言天地有根玄牝是已草木有  
根萌生是已散言六根根、不一撮言六根根、歸  
一根本無濁尚安事清根本無垢尚安事淨  
摠括終始有十八界各、功德有千二百皆是物

耳即如會中阿那律陀失見根而見跋難陀龍  
失聞根而聞乾伽神女非鼻聞香驕梵鉢提  
異舌知味舜若多神無身覺觸摩訶迦葉  
圓明了知久滅意根云何覺明不成圓妙經言  
具矣分別計度言說為贅都無實義爾時弥  
多羅尼子及諸大衆領略微妙開示身心蕩然  
得無罣礙得未曾有歡喜奉行說偈讚禮長  
離鳴于篋箒枝上衆鳥喧啾踴躍不定已属


鳥易瑟摩圖六根清淨譜入子墨氏寫諸經  
本普施十方

程大約撰



劉然書





五牛圖  
一體純白喻真性無  
染二首漸黑喻迷真  
起妄三體純黑喻業  
垢嬰纏四首漸白喻  
背妄歸真五又純白  
喻返本還原

五牛圖辯

昔者孟氏道性善母能同有生於犬牛及其  
求放心而喻雞犬抑何先後不倫類也釋氏  
出世歸善於守心辟則牧牛母令縱逸人之  
性猶牛之性無間然矣像教者繪為五牛其  
一體純白喻真性無染其二首漸黑喻迷真  
起妄其三體純黑喻業垢嬰纏其四首漸白  
喻背妄歸真其五又純白喻復本還源宗門

品第犁然具矣學人誦法孔孟庸得靡然疑  
於黑白間夫白受采白則始矣白賁无咎白  
則終矣是吾儒之所謂白也老氏玄聖道德  
極於無上知其白守其黑忘其或污而預善  
之玄尚白矣禽滑釐之徒宗墨而祖釋泣素  
絲焉泣其數於染也夫由易與禮之訓也終  
始以白者也生之謂白猶白之謂白與其為  
真純也者為復反也者莫白也若也由墨與

老之說也不始終以白者也白人之白也無異於白牛之白者與其為起妄也者業垢也者莫白也若也且也素絲之易於染而黼黻文章胥此以出黑是守矣竟其守而為天下白又奚嫌焉調伏既熟牛且何擇未復黑牛而靡繫絆超然獨往何害自在又久之而受命如響人牛俱亡白無所白黑無所黑嗒然忘矣不曰白乎涅而不緇皜皜乎不可尚已



夫其不緇也采庸格於受責庸罹於咎墨安  
所事悲而老氏亦安所事守哉牛之力視龍  
象雄黑白之為宗門重也爰屬之墨卿必有  
能辯之者


程大約



南郭劉然書



寶 增



金輪  
輪



# 天女散花



天女散花吟

吟散花、散何飄遙天、現法身、法身冥  
香入沆瀣、煥煥上林、炯瀟灑、御溝水散花  
花如何、綽約非至此、吟散花中天、面華葩  
枝、帶寶露、片如霞、散來染衣、不著  
此花何能香、別差吟散花、蒙茸請祝  
函關曉、紫清況杏壇、樹紅百禁、滿生

龍馬瑞九莖秀出白帟通蘭臺芸室文  
章古池蓮寔草意思同誰不問花借生  
意誰不向花托素衷素衷生意嬌相  
待游絲飛颺誰為宰仁者自生分別想  
至人嗒然大自在歌散花、乞欲散仍來  
散歌聲欲斷辜未以建好侍者閑昭  
陽邯鄲才人宜并幹胡然而帝始然天


閑嫻、美且晏、子手會須播瑤華、占偁寧  
煩宣言饋還為高唱、散花吟與尔相忘  
結習心、要使渚天無、吾相即看大地布  
黃金

程大約



劉能忠





弥勒赞

尔龍尔象尔闡大藏是曰持以其用無央沉  
默尔空莊嚴尔相是曰應世其作无上尔  
願尔力尔觀尔想接引痛切跏趺肩放  
是曰出生其數无量

海陽程涓

劉然書





掃象圖



掃象圖贊

象即非象夫何可掃非象即象夫何不  
掃玄而解之拂拭非真默而識之森羅  
非妄墨乎吾與爾深入鄒羅延窟矣

寶林居士顧起元



# 掃象圖

有象耶無象耶而掃為最上耶象有耶  
象無耶而必掃以除耶有象無象之先  
掃與不掃之間其玄之又玄者耶

于若瀛



掃象圖銘

術不可名，瘳不可象。片揭萬分，悉歸大藏。歸則舞名忘，則與象汎。掃而罔是，樂最巨。

潘緯書



達磨真性頌



達磨西來不立文字  
直指人心見性成佛  
歌有真性一頌雖二  
十字回環讀之成  
叩十首計八百字  
首用韻四出俱通以  
表真性兼有窮盡之

達磨真性頌引

達磨之來天竺也泛重溟周三寒暑而後至  
及達震旦面壁九年不立文字直指人心見  
性成佛乃其十二時歌五葉一花之偈亦微  
染綺語習焉至于皮膚骨髓之喻抑何跼次  
淺深章又較著也獨真性頌字僅二十學人  
以璇璣圖法讀之成四十首計八百字每首  
用韻四至俱通迴環不窮夫人真性亦猶是

焉引而伸之觸類而長之四十者可畢而百  
八百者可畢而千萬矣夫性為生命生命為  
天地根夫真乃生生乃不滅不滅之謂能永  
存永存者真是故生老病死憂生耳目口鼻  
身意賊志豐約幽紛惑知理事欲障亂思造  
次顛沛患難撼守夫然者謂之諸緣為諸緣  
起者起則滅滅則不生不生者亡夫性為真  
為離為性為情為緣為理為空為忘為照為

寂爲身爲至爲淨爲明爲圓爲始爲終爲常  
爲妙爲極備矣夫歸于真妄乃潛爲天地先  
天地之先造之無前生于一繇乃役爲人物  
辟人物之辟乃登無極成性存又渾又淪又  
爲出入之門是爲獨尊信斯言也四十首者  
縮而一二則奇偶矣成八百字者退而十五  
則因重矣夫是之謂性夫是之謂真西極之  
旨其度幾乎八萬瀛門十方世界智者觀之



而思過半矣

學人程大約



劉然書



渾然者精燁然  
者華細則無滓  
瑩則無瑕金堅  
玉潤迥無以加  
截然而齊者是  
為大方之家

巨源





青牛紫微

青牛紫氣墨賞

只曰尹喜多事遂致老聃饒舌函關紫  
氣也平常副墨五千傳不滅滅不滅玄  
之又玄不可說任從別下註脚來萬里  
寒光一條鍊

吳郡嚴澂



途驛青牛紫氣歌

攀顛瀟器何勾生降官圓璽太上精拍李公間聊寄  
姓伯陽子古留仙名方瞳卯碩乘足趾青牛西度逢  
尹喜紫氣暫停畱谷關五十字皆真髓後後糟粕  
誦黃庭獨有墨卿澈秘局手握雲煙奪造化胸中默  
會紫金經瀟灑風塵蠲俗態烏王光收萬衆壯勸君  
目盡洩玄機書此贈君君官勸

松浦野漁余敬中




青牛紫氣

關門我、紫氣彌、闕當關尹真人何之青  
牛稅駕強為著書東度莫留西流莫追道不  
可道亡名亡知億萬厯數五千文緯知雄知  
白守黑而雌是曰玄德不可度思是曰猶龍  
矧可射思

程涓

如來柱



如來柱銘

謂爾擎天亭毒者全謂爾砥川中流者  
旋爾鎮八埏岳峙爾巔爾基百廬棟隆  
爾堅立靡爾專移靡爾遷爾高爾圓爾  
卑爾悛爾聖爾賢爾玄爾仙爾終少劫  
爾結大季爾不知其然而然吾以子墨

子傳

程洵





劉子  
御鳳

顓丁南羽畫列子御風圖

昔逢畸人吳山窟謂我飄然有仙骨別來碌  
碌走紅塵二十三春度超忽謫期應未滿風  
波長汨沒埋名酒肆中沈飲恣兀兀思遇洪  
崖與赤松便拋妻子遠相從鸞鶴不為下迢  
迢雲外蹤蓬萊瀛洲那可涉菖蒲瑤草空丰  
茸丁生豈是令威後葛家仙翁並畫手閒畫  
至人在林藪冷然御風騰九有風吹衣帶殊

褊褊獨行應與道為偶  
畫圖不及掌來大茫  
茫宇宙無能過見此  
令人神思清恍惚真仙  
遙入座程君酷愛畫  
重幣購名筆口誇顧  
爾頭未易丁生正有  
時着緇衣敬寫維摩  
居士室有時戴黃冠  
貌出蓮舟乘太乙人  
間世無多日逝將脫  
屣訪仙術向平婚嫁  
何須畢

混沌道人張泰貞




列子御風

此身何着獨立太玄奚有於御  
奚待於風有所待也猶有爲也  
有待有爲玄風日移欲追無爲  
行所無事渾沌葛天結繩而治

孫如游



# 七佛偈



竹面佛

身從無相中生  
猶如幻出諸  
形像幻人心識  
本來無所住  
是處即空

是處即空

起諸事法本是  
幻連諸念盡  
是幻身如聚散  
心如風幻出無  
根無實性

尸棄佛偈

假借四大以為  
身心本無生因  
境有前境若無  
心亦無罪福如  
幻起滅

毘舍浮佛偈

見身無實是佛  
見了心如幻是  
佛了了得身心  
本性空斯人與  
佛何殊別

拘翼佛偈

佛不見身知是佛  
若實有知則無佛  
智者能知罪性空  
坦然不怖於生死

尼佛偈

一切眾生性清  
淨從本無生無  
可滅即此身心  
是幻生同化之

迦葉佛偈

法本空無添  
無法亦亦法  
今付無法時  
法法何曾添

尼佛偈

禪那弟子書



象珠網





人般



三生花



原局彩圖

三三三三三





維摩說法圖



新都江世會  
君房士芳監製

維摩說瀟偈序

中辰寒月從余羈中過

程鴻臚秀博先生邱舍取出墨苑相示次坐緇黃香  
維摩說汰款識鴻臚曰此予新得圖象也夫象維摩  
者何以吳默耳管參十式菩薩各且意譚不式而維  
摩以一默攝之則維摩不害而意旨固已遠天下萬  
象萬彙畛不出此墨固體物不遺者乎是且取焉余  
因退而歡喜作偈

維摩詰居士本來無色身偶而墮有色彩還吾默

三十二菩薩從默演窮有維摩詰居士以一默攝之  
以一默攝之參十義顯三十義顯此默大難言  
吾處方丈室能容百萬眾維默足且周紛呶成聚訟  
一鉢饜眾飢此義不可識一默垂眾有此法不可說  
吾以問維摩維摩大不知所說者何瀟請問客居士


九等雌微及吳光裕具草







東林蓮社圖



題東林蓮社圖歌有序

晉永熙九季歲在己未惠遠法師構精舍於  
匡廬山號曰東林與十八高賢結蓮社行深  
念佛三昧以脩淨業是會現居士身者則有  
陶淵明范宣子徐孺子劉遺民現比丘身者  
則有遠公僧伽提婆支道林僧康淵竺法深  
于法開竺道壹現宰官身者則有中軍殷淵  
源掾許玄度刺史王輔嗣文學王敬仁左丞

王敬言孫興公王坦之餘聽法者濟之雲仍  
諸公不招日集惟陶靖節或日一至或數日  
一至遠因以酒誘之欣然命籃輿趣至至則  
無酒輒攢眉而去此東林蓮社有自來矣前  
人多繪其圖以傳其事先是余得其圖於文  
太史氏懸之事佛齋中乙巳初春程幼博先  
生見而嘉之採入墨苑蓋取摩頂放踵以利  
天下之義時墨苑既成列載緇黃部末屬余

表題其說漫為之歌歌曰

遠公結社廬山岑蓮華滿座開東林十八高  
賢日相聚長脩淨業為行深社中招引逃禪  
客野服籃輿度阡陌登壇無酒輒攢眉歸去  
來兮雙眼白常言吾醉即吾真醉裏真如勾  
裏身何似無醒亦無醉自在空禪不染塵所  
以遠公獨超脫頗愛陶君能曠達適意投來  
拂意還箇中解悟真衣鉢文家太史擅丹青

繪圖紀勝縣空庭顧我生平耽飲癖亦願常  
醉不願醒披拂此圖多慷慨前賢故社今安  
在惟餘飲者留其名寧知萬法皈三昧三昧  
由來廣大千無生無滅亦無禪儘教舍我弘  
兼愛却識真空奉太玄程君自是探玄者千  
古招尋追往社採圖入墨思深哉摩頂放踵  
利天下

涉園居士吳文龍撰并書





THE MAN OF THE MOUNTAIN (KURUKSHETRA) IN THE MOUNTAIN OF THE MOUNTAIN



—Johann Maria Blauf  
Storren; de der waren er. Zwar der ob herzwackel dander.

